

1
CONSTITVTIONES
SYNODALES

SANCTAE ECCLESIAE
ASCVLANAE,

QVIBVS INSERITVR FOR
ma iuramenti professionis fidei,
Apostolica auctoritate
confecta,

AC BREVISSIMA EX SACRO
Concilio Tridentino catholica
institutio: editę, & promul-
gata in Synodo
diocesana

HABITA ASCVLI
*Anno Domini. M.D.LXVIII.
Die xxij. Aprilis.*



R O M A E,

Apud Hæredes Antonij Bladij Impressores
Camerales. Anno Domini.
M. D. LXVIII.

B.S.

STYNO DALES
CONSTITUTIONS

SANCTAE ECCLESIAE

AS GVALANAE,

QUIBUS INSEMITA FOR

ma instrumenti pro

Apostolica

confecta,

AC REVISITAM A EX SACRO

Concilio Tridentino catholica

instructio: edicta & promul-

gata in synodo

directa

IN REBUS SACRIS

conferentia

die xxi. Aprilis.



R O M A E

Apud Hæredes Antonij Mabji Impressores

Comptones. Anno Domini.

M. D. LXXIII.

IN NOMINE SANCTAE,
ET INDIVIDUAE
TRINITATIS.

Patris, & Filij, & Spiritus sancti. Amen.

P R A E F A T I O.



VPIENTES Nos Petrus
Camaianus Dei, & Aposto-
licae sedis gratia Episcopus,
& Princeps Ausculanus (quē
admodum Episcopis prece-
pit Apostolus) cum Dei au-
xilio, sanctissimiq. eius in
Terris Vicarij Pij V. Pont. Max. patrocinio, atten-
dere Nobis, & huic vniuerso greci cuius in solli-
citudinis partem sumus vocati; censuimus. iuxta
Canonicas sanctiones in hac nostra dicecesana
Synodo, præter alia in ipsa a Nobis tractanda, &
de iure exequēda per has Synodales constitutio-
nes, tam Clero, quā populo nostrę curę concre-
ditis custodiam, simul, & disciplinam, quā de-
bemus sedulo adhibere pro exequutione, & fi-
deli obseruantia omnium, & singulorum, quæ di-
uino suggerente spiritu sacrosancta Tridentina
Synodus, tam in dogmatibus, quā in moribus
decreuit, ac definiuit, ac ipsa sancta Apostolica
sedes confirmavit.

Constitutiones Synodalis.

ET Cum p cætera pastoralis curę officia illud
maximè ab Episcopis, & Parochis requiratur, vt
fidelem populum in nostrę orthodoxę fidei pro-
fessione, diuinęq. legis obseruãtia erudiant, atq;
a terrenis cogitationibus ad cęlestium rerum stu-
dium, & amorem reuocent, Proponimus ob id
ante omnia vniuerso nostro Clero, præcipueq. ani-
marum Curatoribus, non minus Catechismum,
ex decreto eiusdem sacri Concilij, iussu sanctiss.
D. N. editum, quàm ipsum met Concilium, ex
quibus salutarem poterūt haurire doctrinã, tam
in moribus, quàm in fide ad suas uerbo, & exem-
plo obeūdas functiones, ones dominicas vigilan-
ter agnoscendo, pro eis sacrificium offerendo, sa-
cramentorumq. administratione eas pascendo,
ad bona opera cohortando, ad innitendumq. in
spe cęlestis gratiæ, vt inspirante domino, cogi-
tent quę recta sunt, & ipso gubernante, eadem fa-
ciant, ac tandem post huius sæculi caliginosa di-
scrimina ad lucem indeficientem (præstante eo-
dem Salvatore nostro Christo Iesu) peruenire me-
reantur. Et vt prædicta per Parochos, cæterosq.
sacerdotes quorum interest, facilius præstari pos-
sint, & fidem catholicam, quam sancta Romana
Ecclesia omnium ecclesiarum Mater, & magistra
colit & docet, integrè & fideliter vnà omnes oris
cõfessione profiteamur, prout publicè, & expres-
sè profiteri tenentur iuxta dispositionem eiusdẽ
sacri Concilii omnes Episcopi, Prælati, Canonici,
aliiq. de quibuscunque beneficiis curam haben-
tibus

tibus prouisi, eisdem præfigimus rectam regulam
 profitendi. Mandantes, ut cuncti, qui nunc bene-
 ficia ecclesiastica obtinent in præsentì Synodo,
 alij verò qui in posterum obtinebunt in alia di-
 cesana Synodo, quæ tunc primo quoque tempo-
 re celebrabitur, profiteantur iuxta formulam hæc
 de verbo ad verbum insertam, quæ est eadem uni-
 ca, & certa per Bullam fœl. rec. Pii Papæ iij. Ponti-
 ficatus sui anno quinto, ad hoc statuta, & publi-
 cata, cuius quidem formulæ tenor est sequens.

FORMA IURAMENTI

Professionis Fidei.



GO. N. firma fide credo, & profiteor om-
 nia & singula, quæ continentur in Sym-
 bolo fidei, quo sancta Romana Ecclesia
 utitur, videlicet. Credo in vnum Deum
 patrem omnipotentem, factorem cœli, & terræ,
 visibilibus omnium & inuisibilibus. Et in vnum
 dominum Iesum Christum filium Dei vni-
 genitum. Et ex patre natum ante omnia sæcula. Deum de
 Deo, lumen de lumine, Deum verum de Deo ve-
 ro, genitum non factum, consubstantialem Patri,
 per quem omnia facta sunt. Qui propter nos ho-
 mines, & propter nostram salutem descendit de
 cœlis. Et incarnatus est de spiritu sancto ex Maria
 virgine, & homo factus est. Crucifixus etiam pro
 nobis sub Pontio Pilato, passus, & sepultus est.
 Et resurrexit tertia die secundum scripturas.
 Et ascendit in cœlum, sedet ad dexteram Patris.

Constitutiones Synodales.

Et iterum venturus est cū gloria iudicare viuos ,
& mortuos, cuius regni non erit finis. Et in Spiri-
tum sanctum dominum , & viuificantem , qui ex
Patre Filioq. procedit. Qui cū patre & filio simul
adoratur, & conglorificatur , qui locutus est per
prophetas Et vnā sanctā catholicā, & apo-
stolicā Ecclesiam. Confiteor vnum baptisma in
remissionem peccatorū. Et expecto resurrectio-
nem mortuorum, Et vitam venturi sæculi. Amen.
Apostolicas, & ecclesiasticas traditiōes, reliquasq;
eiusdem Ecclesię obseruationes, & cōstitutiones
firmissimè admitto, & amplector. Item sacrā scri-
pturam iuxta eum sensum, quē tenuit, & tenet san-
cta Mater Ecclesia, cuius est iudicare de vero sen-
su, & interpretationes sacrarum scripturarū ad-
mitto, nec eū vnquam nisi iuxta vnanimem con-
sensum Patrum accipiam, & interpretabor. Pro-
fiteor quoque septem esse vere, & proprie sacra-
menta nouæ legis a Iesu Christo Domino nostro
instituta, atque ad salutem humani generis, licet
non omnia singulis necessaria, scilicet Baptismū,
Confirmationem, Eucharistiam, Pœnitentiam, Ex-
tremam Vnctionem, sacrum Ordinem, & Matri-
monium, illaq; gratiam conferre, & ex his baptis-
mum, confirmationem, & ordinem sine sacrile-
gio reiterari non posse, receptos quoque, & ap-
probatos Ecclesiæ Catholicæ ritus in supradicto-
rum omnium sacramentorum solemnī admini-
stratione recipio, & admitto. Omnia, & singula,
quæ de peccato originali, & de iustificatione in
sacro-

sacrosancta Tridēcina synodo definita, & declarata fuerūt, amplector, & recipio. Profiteor pariter in Missa offerri Deo verum proprium, & propitiatorium sacrificiū pro viuis, & defunctis, atque in sanctissimo Eucharistiae sacramento esse vere realiter, & substantialiter corpus, & sanguinem, vna cum anima, & diuinitate Domini nostri Iesu Christi, fieriq. cōuersionem totius substantiae panis in corpus, & totius substantiae vini in sanguinē, quā conuersionem Catholica Ecclesia transubstantiationē appellat. Fateor etiam sub altera tantum specie totum, atque integrum Christum, verumq; sacramentum sumi. Constanter teneo purgatorium esse; animasq; ibi detentas fideiū suffragijs iuari; similiter & sanctos vnā cum Christo regnantes venerandos, atq; inuocādos esse, eosq; orationes Deo pro nobis offerre; atq; eorum reliquias esse venerandas. Firmiter assero imagines Christi, ac Deiparae semper virginis, necnon aliorum sanctorum habendas, & retinendas esse atq; eis debitum honorem, ac venerationem impartendam. Indulgentiarum etiam potestatem à Christo in ecclesia relictam fuisse, illarumq; vsū christiano populo maximè salutarē esse affirmo. Sanctam Catholicam, & Apostolicam Romanam Ecclesiam omnium ecclesiarum matrem, & magistrā agnosco, Romanoq; Pontifici beati Petri Apostolorum Principis, successori, ac Iesu Christi vicario veram obedientiam spondeo, ac iuro. Cetera item omnia à sacris Canonibus, & cœcu-

Constitutiones Synodales .

menicis Concilij, ac præcipuè à sacrosancta Tri-
dentina Synodo tradita, definita, & declarata in-
dubitanter recipio, atq; profiteor: simulq; con-
traria omnia, atq; hereses quascunq; ab ecclesia
dānatas, & reiectas, & anathematizatas ego pari-
ter damno, rejicio, & anathematizatas profiteor.
Hanc verā catholicam fidem, extra quam nemo
saluus esse potest, quam in præsentī spontē pro-
fiteor, & veraciter teneo, eandem integram, &
inmaculatam vsq; ad extremum vitæ spiritum
constantissime (Deo adiuuante) retinere, & confi-
teri, atq; à meis subditis, seu illis, quorum cura
ad me in munere meo spectabit, teneri, doceri,
& prædicari, quantum in me erit curaturum, Ego
idem .N. spondeo, voueo, ac iuro. Sic me Deus
adiuuet, & hæc sancta Dei euangelia.

DE REGVLA PRÆDICATIONIS.

verbi Dei, fideiq; Initiorum tradendorum .



VM igitur Nos Petrus Episcopus præ-
dictus vouerimus non minus corde,
quàm ore prædictam fidem vsq; ad ex-
tremum vitæ spiritum constantissimè
profiteri, atq; idem nostros diæcesanos semper
docere, saluberimum esse existimaui-
mus, huius-
modi professionem his cōstitutionibus præin-
feri debere, non solum pro commodo ecclesiastica-
rum personarum, quæ vouendo ut supra eandem
obligātur publicè recitare de verbo ad verbum,
sed etiam pro sedula eruditione Curatorum ani-
marum,

marum, & faciliiori instructione omnium, & singulorum cuiuscunq; status, conditionis, & dignitatis sint, qui quouis nomine publicè, aut priuatim, domi suæ, vel alienæ alios docere, alijsuè præesse, aut prodesse obligantur, vt habendo præmanibus talem professionis formulam hic præinsertam continentem clarè, distinctè, & eleganter totius orthodoxe religionis summam (extra quam nemo saluus esse potest) valeant ea vti pro salute eorum, quorum curam gerunt, præsertim his nostris calamitosis temporibus, quibus tot hereticorum laquei tenduntur ad capiendas, & perdendas fidelium animas. Quapropter vniuersos & singulos sacerdotes, Parochos, concionatores per Ciuitatem Asculanam, & diocesim nostram constitutos, & constituendos enixè obtestamur in domino, eisq; districtè in virtute sanctæ obedientiæ præcipiendo iniungimus, vt vniuersam christianam doctrinam iuxta præinsertam professionis formulam catholicum Sanctæ Romanæ Ecclesiæ sensum, receptamq; ab ea sanctorum Patrum orthodoxam explicationem vitæ noxijs nouitatibus, & suspectis opinionibus penitus commissis, plebibus illis, & nobis pariter commissis fideli cura tradere non cessent.

PRÆTEREA Parochi singulis dominicis, & festis diebus ab ecclesiâ præceptis oues suas pro earum captu, & intelligentia salutaribus verbis familiari quadam ad erudiendum facilitate de

de rudimentis fidei iuxta vberriamam in Catechismo descriptam explicationem , ac compedio quodam his Constitutionibus delineatam institutionem instruant , auditoresq; suos ita afficere studeant, vt peccata sua dolenter deslere, Dei, & ecclesiæ præcepta seruare, ac parētibus, præpositisq; suis obedientiam præstare non negligant, & præcipuè sint obsequentes in ecclesiasticis traditionibus, quæ ad mortificandam carnem conducūt vt ciborum delectus, ieiunia, aliaq; similia pietatis exercitia . Et si ad id munus Parochi ipsi qui nunc reperiuntur apti esse non videantur, assumant sibi idoneos coadiutores, prout necessario per nos inter visitandum faciendum erit , postquā ipsi qui animarum curam gerere debent, non noverint se aliquantisper exercere in percipienda sacramentorum vi administrationeq;, & singulorum propria materia, & forma intelligenda . In cognoscendis conscientie casibus, & in latina lingua saltem ad literam perdiscenda . Cum omnino ferendum non sit, curatorum beneficiorum Rectores prædicta ignorare , nec valeant breuibus verbis de aliquibus faciliioribus ad salutem necessariis, præsertim in Villis , & Pagis monere simplices homines diebus dominicis , quando frequentiores conueniunt ad sacra audienda , quibus aliquid vulgari lingua explicandum est de decē præceptis, & de fructu sacramentorū, de cognitione peccatorū, necnon virtutū vitiis contrariarum, deinde clara voce recitare dēbeant de verbo

bo

bo ad verbum latinè integrum Apostolicū Symbolum, Orationem dominicam, Angelicamq; salutationem, vt pueri, vel etate etiam prouectiores tam mares, quàm scēminæ, qui ad huc hæc christianæ religionis elementa ignorant, audiendi consuetudine eis delectentur, ac aliqua mandare memorię possint, quibus (adiuuante domino) dirigantur in viam salutis æternæ.

I I I.

NON sufficeret proponere nostris Clero, & Populo sanam orthodoxę fidei regulam, nisi eodem tempore studeremus eos cauere à noxijs prohibitorum librorum lectionibus, & diuulgationibus. Quare præsentī Constitutione seriò iubemus tam Clericis, quàm laycis cuiuscunq; conditionis, & dignitatis sint pro tempore in Ciuitate, & diœcesi Aſculana commorantibus, vt inviolatè seruent regulas indicis de libris vetitis, ex decreto Concilij confectas, & apostolica auctoritate editas, protestando nos cuilibet prædictorum Clericorum, aut laycorum, quòd si reperti fuerint cuiuscunq; generis libros prohibitos legisse, aut retinuisse, declarabuntur incurrisse pœnas à iure statutas, & nihilominus etiàm arbitrata nostro grauius punientur.

I I I I.

INSUPER præcipimus sub eisdem pœnis, & excommunicationis latæ sententię quibusuis Iudi magistris, tam laycis, quàm Clericis Ciuitatis, & diœcesis nostræ vt cum literas grāmatices,

&

Constitutiones Synodales .

& quarumcunq; artium liberalium docebunt nō solū libros prædicto Indice vetitos, pueris, aliisq; prouectioribus suis auditoribus non interpretentur, aut ab illis legi patiātur, sed neq; etiam alios libros, quibus obscena, vel turpia contineantur, cū multo magis deceat bonis moribus, & catholica institutione erudire suos discipulos, quā cum periculo improbitatis, & noxiarum opinionum eos quouis alio elegantissimo literarum, & scientiarum genere imbuere. Et ne de huiusmodi Constitutione possint ignorantiam prætere, decernimus per Parochos, quorum curæ ipsi ludi magistri subsint sub pena suspensionis à sacrorum ordinum exequutione monendos fore.

D E S A C R A M E N T I S

in genere.



QUONIAM vera iustitia, regulariter per sanctissima ecclesiæ sacramenta à domino nostro Iesu Christo instituta, vel incipit, vel cepta augetur, vel ammissa reparatur, & Ideo doceant Parochi, quòd per ipsa velut per apta remedia peccatis nostris mederi, & suæ gratiæ munera nobis impartiri Deus voluerit. Vnde diligentissime cauendum sit à sacerdotibus in eorum administratione, nè hæc diuinæ gratiæ instrumenta ita tractent, vt in quo aliorum saluti prodesse student, in eo sibi exitium comparent, cum non possint sine grauissimo peccato sacramenta aut confici,

fici, aut ministrari ab his, qui sibi mortalis peccati conscij sint. Quare religiosa vita Parochis instituenda est, vt omni temporis momento parati esse possint ad ea ministranda, animaduertâtq; ad cuiusq; horum materiam, & formam secundû regulam Sanctę Romanę Ecclesię, meminerintq; ~~omn~~ orationes, sacros ritus, & ceremonias quas significationis, ac pietatis excitadę gratia ex traditione apostolica acceperimus, ~~non~~ nō posse sine graui piaculo à quocunq; priuato Parocho omitti, aut immutari, sed & cum sint dona spiritualia, non solum sine simoniaca labe, verum etiā sine auaritię suspitione præbenda sunt, nec debet in sacramentorum administratione quicquā exigi, aut directè vel indirectè peti. Qui secus fecerit cum pœnis communi iure statutis, & alijs arbitrato nostro plecti volumus.

DE BAPTISMO.



NATURA ex Adam filij irę nascimur, per Baptismum vero in Christo filii misericordię renascimur, & ideo nisi quis renatus fuerit ex aqua, & spiritu sancto non potest introire regnum Dei. Docendus ergo erit populus hoc sacramentum confici ablutione, cui ex Domini instituto certa verba necessariò adhibentur (accedit. n. verbû ad elementum, & fit sacramentum) materia siue elementum baptismi omne naturalis aquę genus

genus est Forma verò. Ego te baptizo in nomine Patris, & Filii, & Spiritus sancti. Et ne forte fideles in eum errorem inducantur, vt existiment, quod vulgo dici solitum est, aquam ipsam, quæ in sacro fonte asseruatur, sacramentū esse, monendi sunt, quod tunc sacramentum Baptisma dicendum est, cum aqua ad abluendum aliquem additis verbis, quæ a Domino instituta sunt, re ipsa vtimur. Cetera autem de doctrina, & vi huius sacramenti haurienda sunt a Parochis ex Catechismo.

I. I.

Fons Baptismalis habeatur in omnibus parochialibus Ecclesiis, & in eo diligenter clauso, & mundo aqua benedicta continue seruetur, sanctis precibus, & ceremoniis iuxta sanctę Romanę Ecclesię ritum cōsecrata, nec desint sacrum Crisma, oleumq, cathecuminorū vasculis argenteis, quæ asseruentur pro solemnī ipsius baptismi vsu. Et si permīssa est quando in ster periculum facultas baptizandi in priuatis ædibus Sacerdoti, vel (si is absit) alteri sacris initiato, si abfuerit laicis primo mari, aut demum fœminæ, qui rectè nouerint veram baptismi formam. s. Ego te baptizo in nomine Patris, & Filii, & Spiritus sancti, quibus verbis nihil prorsus ab ipsis addendum, vel detrahendum esse crebro populum suum Parochus ad moneat. Cum aliquis ad Ecclesiam baptizandus deferatur, inquirant Parochi, num forte in priuatis ædibus propter instans mortis periculum prius baptizatus fuerit, seruata integra sacramenti substantia

substantia, quod si factum esse intellexerint, caueant, ne eum baptizent, addita etiam illa conditione. Si non es baptizatus &c. sed tantum ei preces facras, vñctiones, ritus, & cerimonias, quę prætermissę sunt, adhibeant. Et ad evitandã incõvenientia præcipimus sub excommunicationis pœna tam parentibus, quã alijs, qui id curare debent, ac Parochis, vt præsentem Constitutionem publicent, quòd natum infantem ab baptismum suscipiendum intra tertium diem, ad ecclesiam omnino deferri iubeant, nisi magna aliqua incidat necessitas, in quo casu fiat quod dictum est. Et ne in re tanti momenti erretur, iniungimus Parochis sub graui pœna nostri arbitrij, vt fidelem populum similia sæpius doceant, ac caueant, ne nomina, quę infantibus imponuntur, sumant ea ex memoria ethnicorum, sed adhibeant maximam cautionem sumendi nomina christianorum, & præsertim sanctorum, & sanctarum qui in ecclesię calendario nominantur. In singulis ecclesijs, quę habeant fontem baptismi, nō desit liber, in quo dies baptismi, nomina baptizatorum, parentum, & compatrum diligenter describantur secundum decreta sacri Concilij, nec admittatur nisi vnus tantum, vel vna, aut vnus simul, & vna ad leuandum baptizatum; ij vero neq; sint excommunicati, neq; publice criminosi, aut qui eodem anno (saltem semel in tempore ab ecclesia statuto) peccata sua confiteri, & sacram eucharistiam sumere non omiserint.

DE CONFIRMATIONIS

Sacramento.



SACRAMENTVM Confirmationis ex instituto Christi, & Apostolorum praxi ecclesię relictum est: in quo iuxta Domini promissionem spiritum sanctum, quo in baptismo ad peccati emundationem signati sumus, cum nouo gratiæ suæ munere accipimus, vt contra satanę tentationes muniamur, vt gratia eius ad melius capienda fidei mysteria illuminemur, & ad communionem Christi fiduciam, & contra vitia robur accipiamus. Igitur à Pastoribus explicandum est eius materiam Chrisma appellari, quod ex Oleo, & Balsamo solemni Episcopi consecratione cōficitur, ea significatione, quam Parochi ex lectione catechismi percipient, vna cū tota spiritali doctrina ipsius sacramenti, & eius formæ, quæ consistit in verbis quibus vtitur Episcopus dum sacram adhibet vñtionem.

I I.

IPSI ideo Parochi in suis ecclesiis ante tempus denuntient, quo sacrum Chrisma ministrandum erit, eiusq; sacramenti aliquid vis, & virtutis edoceant eos, qui confirmandi erunt. Idemq; faciet ipsemet Episcopus, qui est ordinarius minister eiusdem confirmationis sacramenti. Quòd nemini præbeatur minori septennio, & qui adulta sint etate priusquam sacro Chrismate consignentur,

tur, ut sua peccata confiteantur, admonēdi sunt. Et postmodum tam confirmati omnes, quā cō-
patres in libro describantur à Parochis, quēmad-
modum supra de baptizatis dictum est.

DE SACRAMENTO

Eucharistiæ &c.



In almo sanctæ Eucharistiæ sacramento post panis, & vini consecrationem, continetur verè, realiter, & substantialiter corpus, & sanguis vna cum anima, & diuinitate Domini nostri Iesu Christi; ac proinde totus Christus verus Dens, atq; homo. Et quāuis cōmune hoc quidem est sanctissimæ Eucharistiæ cum cæteris sacramentis, symbolum esse rei sacræ, & inuisibilis gratiæ formam visibilem; verum illud in ea excellens, & singulare reperitur; quod reliqua sacramenta tunc primum sanctificandi vim habent, cum quis illis utitur, ac in Eucharistia ipse sanctitatis author ante usum est: quē admodum de hoc, & de aliis pluribus diuinis arcanis, fructu, & virtutibus huius cœlestis sacramenti poterunt in lectione Chatechismi erudiri Parochi, ceteriq; sacerdotes.

In quibuscunq; Ecclesiis quocunq; nomine nuncupentur, quibus imminet animarū cura, tam in vrbe, & oppidis, quā villis, & pagis, vbi populus sit numerosus: vltra triginta familias sanctā

venerabilemque asseruabunt Eucharistiā in argenteo conditam vase, & repositā apud maius altare, in quā ornatissimo fieri poterit loco clauso, & munito ad infirmorū vsum. Ante illam vero lampas semper accensa luceat, & cū ad egrotos erit deferenda, fideles cuncti ad religionis cultū sanctissimo Sacramento tribuendum excitentur certis campanæ percussionibus, ac euocentur sodalitates, si in aliquibus ecclesijs sunt ad hoc institutæ, vt venerabile Sacramentum, quod sacerdos superpelliceo indutus, stola collo imposita, & pluuiali honorifice deferat, cum facibus, & umbella vbi aderit piē, & sanctē deducant, ac reducāt, nam, semper præsertim in ciuitate, castris, locisque insignioribus duæ deferendæ sunt particule sacrate, quarum alteram ipse sacerdos ministrabit egrotis, alteram vero ad ecclesiam referet ad maiorem ipsius populi promouendam deuotionem.

III.

PRæterea vt piē & religiosè admodum in Dei Ecclesiam statutum est, singulis annis, peculiari quodam festo die præexcellsum hoc Sacramentum processionibus singulari solemnitate per vias, & loca publica reuerenter, & honorificè circumgestetur, in Asculana ciuitate, & diœcesi nostra sanctissimè celebretur; monemus tam Clerum, quàm populum, vt se gratos, & memores restētur pro tam ineffabili, & diuino beneficio, quo in similibus processionibus mortis Domini memoria, & triumphus representatur festo illo die, quem

quem ecclesia celebrat corporis Domini maiori qua possumus, pietate & religione adorare, tam intimo corde, quam exteriori cultu studendum est, quocunque tempore, & præcipue in similibus processionibus, quæ ordine congruo, & sine strepitu & clamoribus, sed hymnis, & canticis pie sunt perficiendæ.

III Expediret fidelibus, ut non solum Pascha tempore quo obligati sunt, vitale hoc Sacramentum, quod ad cœlestia nobis dona impartienda a Christo institutum est, perciperent, sed etiam frequenter, & præsertim in maioribus festorum dierum celebritatibus, se hoc admirabili cibo pascere, qui omnem spiritualis delectationis fructum, & uitalem alendæ animæ vim continet, verumtamen saltem singulis annis omnino iustate quadragesimali ieiunio, quicumque animarum curatores inter missarum solemnias plebibus sibi commissis feriò, & sæpius denuntient, ut ij omnes in legitima ætate constituti peccata sua ante hebdomadæ sanctæ confiteantur, & in Paschæ celebritatibus sint parati ad sumendâ sacrâ Eucharistiâ, quemadmodum sancta Mater Ecclesia statuit, q̃ Parochi utriusq; sexus fideles instruendo de uis, & dignitate huius altissimi Sacramenti monebunt, ut maxima animi religione, & humili et totius corporis habitu ad tanti Regis mensem accedere nitantur. Qui verò propriæ salutis immemores prædicto sanctæ Ecclesiæ præcepto non paruerint, post-

quam semel, aut bis infra octauā Paschæ fuerint
denuo moniti, & non resipuerint; debeant qui-
cunque animarum curatores, eorum ad nos, vel
ad nostrum generalē Vicarium nomina in scrip-
tis fideliter, ac diligēter deferre, vt de illis possit
iuxtā formam sacrorum Canonū decerni, quod
diuinæ gloriæ, ecclesiasticæ tranquillitati, & im-
probrum temeritati cōcēdæ magis expedire vi-
debitur, in interitū carnis, vt spiritus saluus fiat,
& prædicti animarum curatores, qui in hoc fue-
rint negligentes, vel conniuentes nō denuncian-
do vt supra, grauissimis pœnis nostrō arbitrio
plectentur.

DE MISSÆ SACRIFICIO.



EXPLICATA ratione administratio-
nis sacre Eucharistiæ, qualiter est sacra-
mentum, explicandū restat de his, quæ
ad celebrationem eius pertinent, qua-
tenus est verum, & singulare sacrificium in cœna
nouissima, quā nocte Dominus tradebatur, dile-
ctæ sponsæ suæ ecclesiæ relictum, quo illius salu-
taris Crucis sacrificij cruenti virtus in remissio-
nem eorum, quæ a nobis quotidie committun-
tur, peccatorum, applicaretur: & quoniam in di-
uino sacrificio, quod in Missa peragitur, idem il-
le Christus incruentus immolatur, qui in ara Cru-
cis se se semel cruentum obtulit. Parochi popu-
lum suum meminisse curabunt, sacrificium istud

verè

verè esse propitiatorium, non solum si pro viuorum fidelium peccatis, satisfactionibus, & alijs necessitatibus, sed & pro defunctis in Christo nondum ad plenū purgatis, ritè iuxta Apostolorum traditionem offeratur.

CVM sancta sanctè administrari cōueniat, sitq; hoc omnium sanctissimum sacrificium, omni nostro studio elaborandum esse decreuimus, vt quæ ad hanc rationem celebrationis Missarum pertinent, rectè in nostra Ciuitate, & diœcesi constituantur pro exequutione decretorum sacri Cōcilij Tridentini. Et in primis quicunq; tam diuino sunt insigniti caractere sacerdotii, monendi, & per viscera misericordiæ Dei nostri obsecrandi sunt, vt antequam missam celebraturi ad altare accedant, omnes conscientia suæ latebras excutiant, & peccata mortalia confiteantur, considerando quæ sit sacrificii huius altitudo, deinde sacris vestibus induti, cum omnibus instrumentis, sacro calice, vnâ cum corporalibus, & purificatorijs mundis, & puris, comitati à ministro preunte superpelliceo induto, & missalem deferente, non incipiant missam celebrare, nisi prius candelis accensis, vini, & aquæ vasculis, & cæteris in suis locis bene dispositis: cauendo, ne in altari baretum, aut aliquid omnino ponant, præter ea, quæ ad sacrificii ministerium necessaria sunt. Ea quæ in missa leguntur, ita pronuntianda sunt, vt à circumstantibus audiantur, non adhibendo ta-

men in legendo nimiam, aut celeritatem, aut tarditatem. Inhibemus eisdem, ne passim memoriter sacrum Canonem recitent, sed attente ubi opus est, legant, & in consecrationis verbis nequid minimum errent. In cæteris vero genuflectionibus, capitis inclinationibus, ad populum conuersionibus, cruce consignationibus, sacrae hostiae fractione, manuum extensionibus, vel conjunctionibus, alijsq; ritibus, & ceremonijs sequatur normam, & regulas in rubricæ ordinis missæ in principio libri missalis positam, & in libro, qui dicitur sacerdotalis, cū sacerdotibus non liceat in missarum celebratione, quod est publicum ecclesiæ ministerium, ne latum quidem vnguem à præscripto, & formula sacrosanctæ Romanæ Ecclesiæ discedere, & illi presbyteri, qui prauo quodam habitu, vel crassa ignorantia, aut quocunq; prætextu in posterū huic synodali non paruerint Constitutioni, seuerè punientur nostro, vel generalis nostri vicarij arbitrato.

I I I.

CVM satis non sit presbyteros celebrantes prædicta seruare, si fideles, dum missæ celebrantur, colloquutionibus, & quibuscunq; profanis, vel indecoris actibus, non abstinere, & aperto capite, & vtriusq; genibus flexis eo saltem tempore, cum cōfessio dicitur, & augustissima mysteria peraguntur, mentem, & oculos in sacerdotis ministerio non defigerent, & ad finem vsq;, donec benedictionem sacerdotalem acciperent, deuote
non

non assisterent, cum quoties huius hostiæ commemoratio celebratur, toties opus nostræ salutis exerceatur, & ob id sæpius docendus est populus de huiusmodi mysterijs, ut missam audiens vota sua sacrificanti sacerdoti coniungat.

III.

CONSTITUTIS his, quæ pertinent tam ad celebrantes, quàm ad missam audientes, procurandum est quoq; , ut ecclesia, quæ est domus Dei, in qua altissimum hoc sacrificium offertur, sacramenta suscipiuntur, diuinæ laudes, & orationes ad Deum funduntur, ipsiusq; verbum prædicatur, ne quid in ea incultum, aut sordidum inueniatur, quia in parietibus, tectis, ac pavimentis ipsius domus Dei quacûq; indiguerint reparatione, & instauratione, quòd omnino reparentur, instaurentur, renouentur, quamprimum fieri poterit sumptibus Rectorum, aut eorum, ad quos spectat, ut omnia nitore quodam, & religioso cultu splendeant, & munda sint, tam tota fabrica templi, & altaria, quàm lintea, & pallia, sacræ imagines, Cruces, candelabra, sacra vasa, ac cætera quæcunq; , quibus diuinus cultus peragitur, & sacra eucharistia offertur, & fidelibus non cõficientibus ministratur, quibus eo tẽpore vinũ ipsis, postq̃ sacram hostiã sumpserint, calicẽ cũ vino p̃beri iubemus, semperq; linteũ explicatũ ante eosdem extendi, nè aliquid decadat, quod quidẽ

si quis

B 4 ob tanti

ob tanti sacramenti maiestatem non longe absit à sacrilegij crimine. Igitur in prædictis omnibus & singulis spectantibus ad decorem domus Dei, & ad maiestatem, & nitorem in oblatione sacrificij, administratione sacramentorum, alijsq; totius diuini cultus partibus, moniti sint hac nostra constitutione Parochi, alijq; ecclesiarum Rectores, & quicunq; sacerdotes, & præsertim sacristæ, vt prædicta inuiolabiliter obseruent, si præter diuinam indignationem, temporales quoq; voluerint effugere pœnas nostro arbitrio infligendas.

NON permittant præfati vlli sacerdoti alienæ diœcesis missam celebrare, nisi ostederint litteras testimoniales sui Ordinarij à nobis, vel nostro generali Vicario approbatas, & signatas. Caveat præterea nè intra limites suarum parochiarum, & ecclesiarum quicunq; sacerdos audeat celebrare in priuatis ædibus, aut omnino extra ecclesiam, vel oratoria diuino tantum cultui dicata, & nostra episcopali auctoritate approbata, & si secus à quopiam temere factum fuerit, nobis denuntient Parochi, ne alienas cogantur subire pœnas.

DE POENITENTIAE

Sacramento.

POENITENTIAE Sacramentum velut secundam post naufragium tabulam, cuius præsidio gratiam recôciliationis, & remissionis peccatorum, in quæ post baptismum relapsi

relapsi sum⁹, recipimus, Curatores animarū ciuitatis, & diœcesis nræ sedulo in ecclesiis vrgeant, admoneantq; fideles his partibus, ipsius pœnitentis actibus, nempè contritione, confessione, & satisfactione, quasi materiā, huius sacramenti, integrā, & vtilem absolui. Idemq; pœnitentiæ sacramentum lapsis post baptismum esse ad salutem necessarium, vt nondum regeneratis ipse baptismus. Nam illis, qui se in peccati seruitutem, & dæmonis potestatem post susceptam in baptismo iustitiam tradiderint, cōtulit Deus hoc remediū, quo mortis Christi beneficium eis applicetur, si (ipso Deo excitante) amissam gratiam recuperare procuraerint per animi dolorem, ac detestationem de peccato cōmisso, cum proposito non peccandi de cætero, per sacramentalem confessionem, cum enumeratione omnium, & singulorum peccatorum mortalium, quorum post diligentem sui discussionem meminerint, etiam occultorum, ac circumstantiarum, quæ peccati speciem mutant, saltem in voto, & suo tempore faciendam: per sacerdotalem denique absolutionem rursus iustificari poterunt, nec non cum satisfactione per ieiunia, elemosynas, orationes, & alia pia spiritualis vitæ exercitia, non quidem pro pœna aterna, quæ sacramento vnā cum culpa remittitur, sed pro pœna temporali, quæ non tota dimittitur illis, qui gratiæ Dei ingrati post baptismum Spiritum sanctū contristauerunt. Nam Christus Dominus duplicē sacerdotibus potestatem reliquit,

reliquit, vt soluant, aut ligent. Studere igitur debent, vt summa cura ex enumeratione peccatorū discernant inter leprā, & leprā, ac nouerint sacramenti pœnitentiæ formā (in qua præcipuè ipsius vis sita est) in illis ministri verbis positā esse, Ego te absoluo &c. quibus quidem de ecclesię sanctę more quædam laudabilia adiunguntur, ad ipsius tamen formæ essentiam minime necessaria.

DEBENT ergo. sacerdotes domini, quantū spiritus, & prudentia suggesserit, pro qualitate criminum, & pœnitentum facultate salutare, & conuenientes satisfactiones iniungere, ne si forte peccatis conniueant, & indulgentius cū pœnitentibus agant, leuissima quædam opera pro grauissimis delictis iniungendo, alienorum peccatorum participes efficiantur. Habeant autem præ oculis, vt satisfactio, quam imponunt non sit tantum ad nouæ vitę custodiam, & infirmitatis medicamentum, sed etiam ad præteritorum peccatorum vindictam, & castigationem. Nec obliuiscantur ex præscripto canonum pœnitentialiū pœnitentias moderari, ad delictorum tamen qualitatem satisfactionis modum temperando, auris eleemosynas, incontinentibus ieiunia, superbis humiliações iniungendo, quò semper confitentiam vitia contrariis virtutibus compensentur.

SALVERRIMVM Sanctę Matris Ecclesię præceptum, vt quot quot christiani nominis
sunt

sunt homines, saltem semel in anno iuxta formā Canonis, Omnis vtriusq; sexus, Innocentij iij. diligentissime in Ciuitate, & diœcesi nostra obseruandum est, ac ab ecclesia protinus reijcientur, qui id facerè recusarint. Quapropter à proprijs Pastoribus, ceterisq; Concionatoribus sunt fideles monendi, vt qui sæpius peccant, sæpe etiam peccata commissa lugere, eaq; sacramentaliter confiteri, dignaq; satisfactione mortificare assuecant, & omnino ad minus sicut de sumenda sacra eucharistia dictum est, saltem semel in anno confiteri non amittant, & si secus à quoquam vtriusq; sexus factum fuerit, eorum animarum curatores nobis, aut nostro vicario vt supra sub prædictis pœnis denuntiare non prætermittant &c.

I I I I.

SE D ne Confessorum inscitia, aut imprudentia medicamentum hoc sanandis animarum vulneribus aptum, non solum nō profit, verum etiā magis alat, Cauendum est, vt illi soli sacerdotes tam seculares, quàm regulares iuxta decreta sacri Concilij, & Apostolicas Constitutiones Sanctiss. D. N. Pij. V. pro audiendis confessionibus, tam à nobis, quam ab ipsorum regularium prælatis approbentur, & præficiantur, qui pii prudentes, patientes, de animarum salute solliciti explorati fuerint, ac omnino fidelissimi, custodes silentii eorum, quæ in confessionibus audierint, quales præcipuè omnes decet esse Parochos, quos nihilominus si inter visitandum ad hoc inhabiles reperiemus

reperiemus, animarum illis commissarum indemnitati consulemus studio, & opera idoneorū Coadiutorum: interim tamen eisdē præcipiendo sub grauioribus nostri arbitrij pœnis, vt à peritioribus continuo studeant aliquid audire interpretationis, & explicationis conscientię casuum, ac p se ipsos etiam legendo aliquas summas, veluti Antoninam, Angelicam, Siluestrinam, Gaetanā vel Armillam, & libellum quoq; qui dicitur manipulus curatorum, aut alia similia probata opuscula pro instructione imperitorum sacerdotum.

V.

QUICVNQVE audiendis confessionibus præfecti habeant apud se scriptos omnes casus Sanctiss. D. N. Pont. Max. & Episcopo quauis ratione reseruatos, & præcipue Apostolicam Bullam, quę legitur in die cœnæ Domini, cuius exemplum typis impressum sæpe sæpius attente legāt, ne in his casibus, & censuris sibi aliquid assumāt facultatis, nisi quantum eis fuerit respectiue ab Apostolica sede, vel à nobis cōcessum: quamquā nos hoc tempore expedire arbitremur, ne facilitas veniē tam frequens præbeat delinquendi incēdium, grauiorum criminum huiusmodi reos nobis sistendos reseruari, verumtamen ne homines à confessione retrahantur, vtq; diœcesanorum nostrorū pudori simul, & sumptibus misericorditer consulatur, aliquot probis, & idoneis confessoribus tam in Ciuitate, quā in diœcesi à nobis deputādis potestatem tribuimus absoluendi

vtriusque

utriusque sexus laycos quoscunq; contritos, & confessos in ipsis tantum Episcopo reservatis cāsis, quā tamen facultatem cum delectu concedemus, vera prius habita notitia sufficientiæ, & probitatis prædictorum Confessorum.

VI.

SACERDOTES quicunq;, qui non sint curatorum beneficiorum rectores, vel à nobis approbati pro audiendis confessionibus, non solū non possunt, neq; debent sibi aliquid assumere in casibus reservatis, sed neque quovis quæsito colore nisi in casu extremæ necessitatis præsumere audire confessiones quarumvis personarum, nec etiā sacerdotum: & qui secus fecerint, a suorum ordinum executione suspēdentur nostro arbitratu.

VII.

Mulierum confessiones nisi ex causa necessaria ante Solis ortum, nec post eius occasum, sed de die & publicè in ecclesia in sedibus in quibus tabella omnino inter confitentē, & cōfessorē interiecta sit audiri debeāt, imò nec sine tali necessitate in privatis edibus nō solū cuiusquā fœminę, verum nec maris confessiones audiantur: & tam mares, quā fœminę sunt sapius cohortandi, ut ad sacramentum Pœnitentię cum debita præparatione accedant, ac in spiritu humilitatis, & amaritudine animę suę, non expectata confessoris interrogatione, ipsimet peccata sua confiteri non vereantur; cuius tamen confessoris diligentia, & commiseratione adiuuādi & cōsolandi erunt
pro

Constitutiones Synodales.

pro morbi qualitate cum eodem collyrio, omniū
mederi morbis nequeat, & ideo prudentissimus
debet esse medicus in obiurgando præfractos, tre-
mendum Dei iudicium ante eorum oculos po-
nendo, & per Dei misericordiam pusillanimes
erigendo.

VIII.

Constitutionem Innocentii iij. de medicis in-
uiolate in nostra ciuitate, & diœcesi seruandā
esse iubemus, præsertim cū per Apostolicas lite-
ras Sanctiss. D. N. D. Pij V. sub datū Romæ apud
Sanctum Petrum die viij. Martij. M. D. LXVI.
hoc idem serius statutum, & renouatum fuerit
sub grauioribus pœnis, ad quarum declarationē
vel exequutionem contra quoscunque inobedi-
entes procedemus. Monentes ideo omnes & sin-
gulos artem medicam exercentes, cum ad egro-
tum aliquem in lecto decubentem vbilibet in ci-
uitate, & diœcesi nostra vocentur, statim eis de-
nuntient illorum curationem deserturos esse, nisi
peccata sua fuerint confessi, quod si aliquis face-
re neglexerit, medicus ad eū amplius non redeat,
& Parochus sub pœna suspensionis a diuinis, cu-
ius curæ subsit, eger, certiores reddat nostrum
generalem Vicarium, prædictum huiusmodi con-
stitutioni non paruissē.

DE

DE EXTREMA VNCTIONE.



VRATORVM beneficiorum Rectores doceant extremæ Vnctionis sacramentum ad infirmorum, qui ad exitum vitæ vergunt, præsidium a Domino traditū esse, & quòd dum sacra Vnctio per orationem fidei infirmis adhibetur, per diuinæ gratiæ operationem cōtra corporis infirmitates, & errores conscientiæ, præbet ritè sumentibus alleviationem, & hylaritatem leuiora peccata tollit, & graviorum reliquias expurgat, cuius quiddem sacramenti materia oleum est ab Episcopo benedictū, & Vnctio aptissima, Spiritus sancti gratiā, qua inuisibiliter anima egrotantis inungitur representat. Forma sunt illa verba. Per istam sanctam Vnctionem, & suam piissimam &c. quibus utitur sacerdos, qui est proprius minister huius salutaris sacramenti.

II.

PRÆ More igitur sanctæ Matris Ecclesiæ sacramentum hoc fidelibus impartendum est cum Litanis, & orationibus ad hoc institutis. Meminerintq; Parochi tunc maximè vngendos sancto oleo fideles esse, cum in eis adhuc mentis, & rationis usus viget, ut animi religionem afferre possit, nec differāt in illam horam, cū iam eger amissis sensibus agere animam incipit, nam prius a sacerdote consolandus est, atque a curis

&

& desiderijs huius vite ad spem eterne salutis erigendus, & persuadendus, ut diaboli terrores non formidet, in Christi misericordiam sperans, eiq; cum benedictione animam suam commendans. Quo munere sacerdos fungens super pelliceo sit indutus, stola collo adhibita, ac sanctum oleum infirmorum argenteo vasculo habeat repositum, ceteraq; non omittat, quæ sacerdotali libro continentur, iuxta sanctæ Romanæ Ecclesiæ ritum.

DE SACRAMENTO ORDINIS.

DO CENDI Sunt fideles in nouo Testamento nouum, visibile, & externum esse sacerdotium a Salvatore nostro institutum, in quod vetus translatum est, atque Apostolis, & eorum in sacerdotio successoribus potestatem esse traditam consecrandi, offerendi, & ministrandi corpus & sanguinem eius, nec non peccata remittendi, & retinendi. Et cum diuina res sit, tam sancti sacerdotij ministerium, consentaneum fuit, ut dignius exerceri posset, plures, & diuersos esse Ministrorum ordines, scilicet Ostiarium, Lectorem, Exorcistam, Acolitum, Subdiaconum, Diaconum, & Presbyterum. qui sacerdotio ex officio deseruiret, & per minores ad maiores velut per gradus ascenderent. Et cum sacra ordinatio verbis, & signis exterioribus perficiatur, materia scilicet & forma, proprie esse sacramentum, per quod gratia confertur,

tur, nemo dubitare debet. Sed quoniam eius ad-
 ministrationis munus proprie ad Episcopum per-
 tinet, nihil est, quod de eo Parochis aliud præci-
 piamus, nisi vt sæpe illos, qui promoueri cupiunt,
 cohortentur ad pietatem, & eruditionem, ac no-
 uerint uisibili signo ad communem totius eccle-
 się utilitatem ritè ordinatis gratiam diuinitus cõ-
 ferri. Quamobrem nobis studendum erit, vt in
 posterum in Ciuitate, & diocesi nostra ipsi san-
 ctę ecclesię idoneos tantum sacerdotes, aliosq;
 ministros promoueamus.

— I I. —

Q Vicunque igitur non solum ad sacros ordi-
 nes, sed etiam prima tonsura, & quatuor mi-
 noribus initiari concupierint, sciant se iuxta ca-
 nonicas Tridentini Synodi sanctiones a nobis
 non posse voti compotes fieri, qui fidei rudimen-
 ta edocti non fuerint, & saltem latinam linguam
nouerint, vt postmodum possint statutis tempo-
rum interstitijs in etate legitima constituti, ac p-
bitate, pietate, castisq; moribus conspicui ad ma-
 iores ordines assumi, & demum diligenti præce-
 dente examine ad presbyteratum promoti, sa-
 cramenta administrare, populumq; docere vale-
 ant ea, que scire omnibus necessarium est ad sa-
 lutem. Quamquam deinceps Clerici seculares,
 & si aliàs sint idonei moribus, & etate, non po-
 terunt tamen promoueri ad sacros ordines, nisi
 qui beneficium ecclesiasticum, quod illis ad vi-
 ctum honestè sufficiat, possederint, aut quando

pro necessitate, vel commoditate beneficiorum Ciuitatis, & diœcesis nostræ aliquos patrimoniū obtinentes absq; alio titulo ordinare, nos ipsi rationi congruum esse existimauerimus, ascribentes tamen eosdem obsequijs quarumlibet ecclesiarum pro diuini cultus augmento ad nostrum arbitratum.

DE MATRIMONIO
Sacramento.



T matrimonio suus honos conseruetur, debent Parochi docere eos, qui matrimonialiter iungi affectāt, qua religione, & fide nubāt in Christo, qui venerabilium sacramentorum institutor sua nobis passione promeruit, q̄ matrimonium in lege euangelica veteribus conubijs per ipsum dominum nostrum gratiam præstet, ac ideo inter nouæ legis sacramenta merito annumeretur, naturalem illum amorem perficiendo, indissolubilem vnitatem confirmando, coniugesq; sanctificando.

I I.

Qua propter præsentī Synodali constitutione moniti sint quicunq; animarum curatores in Ciuitate, & diœcesi nostra sub grauioribus pœnis nostri arbitratus inuiolate seruare omnia, & singula quæ de matrimonio contrahendo sancta Tridentina Synodus statuit, sepe sapius legendo

ac

ac facili methodo declarando, quando frequens populus in ecclesia fuerit congregatus, cuncta ad huiusmodi reformationem matrimoniorum spectantia: & præsertim bis in mense reddant memores maxime mulieres, & iuenculas ne permittant se decipi, si aliter quam præsentè Parocho, vel alio sacerdote de ipsius Parochi, seu Episcopi licentia, & duobus, vel tribus testibus contrahere attetarent: quia (præterquam quod totum id esset irritum, & nullum) grauiter etiam nostro arbitrio punirentur.

I I I.

Moneant pariter tam viros, quam mulieres nè vllò quæsito colore præsumant malitiosè contrahere, maxime in prohibitis consanguinitatis, & affinitatis gradibus, prout vsq; modo plures temerè, ac impudenter nixi sunt, peccatis peccata accumulando, & manifestè falsa pro veris narrando in impetratione dispensationum à sacra Pœnitentia, quibus fraudibus nos obuare studuimus publicatione cuiusdam nostri ad id specialis edicti, quod etiam præsentì Constitutione confirmamus.

I I I I.

Mandamus denuntiationes suo tempore triplicatis vicibus in ecclesijs frequenti populo non intermitteri, imò quàm diligentissimè exequi debere. Interdictionem contrahendarum nuptiarum ab Aduentu Domini in diè Epiphaniæ, & à quarta feriâ cinerû vsq; ad octauam Paschæ

tis inclusiue indifferenter ab omnibus obseruari. In alijs vero temporibus solenniter celebrentur ea tamen, qua decet christiana modestia, & honestate: cum matrimonium, quod sancta res est, sanctè tractandum sit, nec alibi quàm in ecclesia, quæ est proprius sacramentorum locus, oblatos coniuges sacerdos solenniter benedicat, horteturq; fideles, vt triduo ante matrimonij consummationem peccata sua cõfiteri, & sacram eucharistiam sumere deleantur.

V.

Singuli animarum Curatores librum congruū habeant, & custodiant, in quo diligentissime scribantur contrahentium nomina, & testium, qui cum ipso sacerdote affuerint, dies, & locus, quibus omnia agantur: & in summa serio, ac sedulo caueant, ne latum quidem vnguem à præscriptis regulis sacri Concilij de matrimonio tractantibus discedant, si digna nostra animaduersione coerceri noluerint.

VI.

Sicuti Pastores decet esse sollicitos de pertinentibus ad celebritatem matrimonij, sic etiam æquum est eosdem non esse desides in repurgandis suis gregibus à perniciosa labe concubinariatus, in singularem ipsius sacramenti matrimonij contemptum. Præcipimus ergo quibuscunq; curam animarum gerentibus, vt diligenter inuigilent, si qui forte in plebibus ipsis commissis, tam soluti, quàm vxorati retineant, vel alant concubinas,

&

& quos repererint fore concubenarios, eos statim paternè moneant, quòd concubinas eijciat, & in honorabili suarum coniugum connubio vivant, vel qui adhuc non nupserint, si nolunt continere, nubant, Quòd si talibus monitis non paruerint, reneantur ipsi Patrochi sub pœna tertie partis redditus sui vnius anni suæ ecclesiæ applicandæ ad pios usus nostro arbitrio, statim totum id ad nos, vel nostram vicarium deferre, ut ex præscripto sacri Concilij iuris ordine excommunicationis gladio eos ferrendos esse declaremus: et crescente contumacia seuerius puniamus, relegando, prout videbitur opportunum, ad tempus, vel ad semper concubinas ipsas siue coniugatas, siue solutas extra Aſculanam diœcesim pro sancti matrimonij reuerentia pœnitentibus, & aliis, quibus hoc præscriptum est, in quibusdam articulis.

DE CULTU DIVINO CANONICORUM
 - etiam horarum in Choro observando, deq; Canonico-
 - rum, aliorumq; Clericorum disciplina.



EXPLICATIS summam aliquibus de vi, & virtutè sacramentorum, ac de functionibus ministrorum tam in tremendo missæ sacrificio, quàm in ipsis sacramentis, consequenter restant nonnulla de cæteris divini cultus partibus brevibus enarranda, cum in ecclesia omnia honestè, & secundum ordinem Apostolus fieri iubeat, Nocturnum, diurnumq;

salutem

C 3 igitur

igitur officium psalmodiæ quod pro diuinis laudibus celebrandis imploranda Dei misericordia, excitandaq; fidelium deuotione plurimum conducit, constituendum est ad rectam horarum canonicarum celebrationem, incipientes à cathedrali ecclesia, quæ cum sit sedes Episcopi, principemq; locum teneat in clero, nequaquam postremum in reformatione tenere debet. Ac ideo R. D. Archidiaconus, & Canonici in diuinis eisdem inferuientes, ac nomini eorum respondentes, sint re ipsa, prout sunt nomine Canonici, quorum est munus, eorum, quæ ad eiusdem cathedralis administrationem, & cultum pertinet, diligenter curare; Episcopo consiliarios assidere diuinas laudes non vocis tantum modulatione, sed cordis deuotione certis horis in ecclesia celebrare, non cursim, & festinanter, sed integrè, distinctè, reuerenter, deuotèq; hymnis, & canticis Dei nomen laudare, taliterq; in diuinis peragendis officijs se corpore pariter, & mente componere, quò Deo simul cultum gratù exhibere, & populo consideranti deuotionem augere valeant.

C. V. M. Diuina aguntur, inter se de alijs rebus non tractent, aut quænis colloquia, neque ritus intermisceant, imo nec in choro alijs psallentibus seorsum legere aliquid, aut suas horas canonicas priuatim orare, vel alijs leuitatibus intendere permittantur, sed in propriis sedibus, quas

ting: 8 0

nulla

nulla ex causa, nisi pro seruitio chori trāsmutēt,
omnes insimul psallentes, oculos & aures ad va-
nitates non conuertant. In fine Hymni, aut Psal-
mi, cum sanctæ Trinitatis elogium dicitur. s.
Gloria Patri &c. religiosè capite aperto omnes
assurgant. Quod itē adhuc religiosius obseruan-
dum erit, cum Iesu sanctissimum nomen enun-
tiatur.

III. In omnibus officiis, quibus presbiteri, diaconi, & alii

EPISCOPO Quauis pastoralis officij mu-
nera exercenti, prout a sacra Tridentina Sy-
nodo cautum est, assistant, operamq; suam præ-
stare non cessent, ac eorum singuli tam R. D. Ar-
chidiaconis quam Canonici auctoritate eiusdem
sacri Concilij serio moniti, censeantur etiam vir-
tute præsentis synodalis cōstitutionis, quod im-
posterum non solum cōtinuè resideant, sed quo-
uis quæsito colore non cessent per se ipsos, & nō
per substitutos quauis ministeria suarū functio-
num, Missarum, Chori, aliorumq; ecclesiasticorū
obsequiorū subire, & cum effectu exequi: quod
siquis facere neglexerit (præterquam quod ea
distributionis parte carebit, quam percepturus
esset) aliis etiam grauioribus pœnis arbitrari
nostro pro modo culpæ, & cōtumaciæ afficietur.

III. In omnibus officiis, quibus presbiteri, diaconi, & alii

SINGVLIS Horis, quibus pro diuinis officiis
Ecclesiam ingrediūtur, omnes seculares curas,
& cogitationes depōnant, anteq; sacra Eucha-
ristiæ altare in genua procumbentes, Dominum

piè, & religiosè adorent, tam in ingressu, quàm in exitu templi, moderatoq; progressu in Chorum accedant, vel ex eo discedant, induentesuè, aut exuentes cum silentio superpelliceum non sint extra sacristiam: in qua, ac etiam loco choro coniuncto, ubi cõstruitur ignis, nihil omnino profani agatur, neque de rebus inanibus sermones habeantur, ex quibus interdum altercationes, ac conuicia oriuntur, sapissime vero risus solutiones, & verba scurrilia existunt.

¶ Vicinq; eorum prædicta inuiolatè seruare non studuerint, vltra diuinam ultionem, episcopalem quoq; non effugient animaduersionem, ac afficientur pœnis de iure infligendis tam circa superius narrata, quàm in cæteris his Constitutionibus scripto non expressis, sed in virtute cõtentis: quemadmodum sunt antiquæ ipsius Capituli, & Canonicorum Constitutiones, quas nos suo robore non carere decernimus in omnibus, & singulis earum partibus, quæ clarè non contrariantur decretis sacri Concilij Tridëtini: ad quorum obseruantiam, ac etiam præceptorum Reuerendissimi Domini Leonardi Marini Archiepiscopi Lancianensis Apostolici Visitatoris (etiam R. D. Archidiaconus, Canonici, & Capitulum de iure sint iam obligati) nos quoq; eos denuo, & serio obligamus, ipsasq; antiquas Constitutiones conuenientes cum Concilij decretis, & ipsius Reuerendissimi, D. Lancianensis, Apostolica statuta, & præcepta

præcepta hac Synodali Constitutione in viridi esse debere obseruantia declaramus.

QUæ verò superius de cathedralis ecclesiæ Canonicis dicta sunt, eadem non solum in quibuscunq; beneficiatis, alijsuè sacerdotibus, & Clericis in eadem cathedrali stallum, aut officium in choro, vel cappellaniam, munusq; quodcunque in ipsa ecclesia obtinentibus, vel exercentibus locum habeant, verum etiam in quibusuis alijs Canonicis, Sacerdotibus, Ministris, Collegiis, ac personis ecclesiasticis, etiam in minoribus ordinibus constitutis tam in ipsa Ciuitate, quam in cæteris locis, & oppidis nostrę diœcesis inferre debentibus, tam in Choro pro recitandis horis Canonicis, quam in cæteris diuini cultus partibus alijs quibusuis ecclesijs non collegiatis, aut collegiatis, quos præsentī Synodali Constitutione omnino obstrictos esse declaramus, & obligamus sub eisdem pœnis ad studiosissimè imitanda, quæ in Cathedrali pro diuini cultus augmento obseruanda sunt.

CAETERIS omnibus, qui non obligentur vt supra in recitandis horis insimul in alicuius ecclesiæ Choro, & nihilominus ordinis, vel beneficii, aut alia ratione ipsas horas canonicas priuim recitare debent, seriò meminisse præcipimus vt eas nullo modo omittant, alioquin pœnas in Lateranensi Concilio propositas, & alias arbi

tratu nostro subibunt. Et non minus seuerè animaduertemus in quamplures proprie salutis immemores, quamquam eorum aliqui forsan merè layci, qui odore lucri attracti beneficijs ecclesiasticis importunè se ingerunt, & census ecclesiæ in otio, & luxu absumentes cunctis debitis obsequijs prædicta beneficia defraudare non erubescunt.

DE FUNERIBUS,

& exequijs.



VAE salubri catholicæ ecclesiæ instituto de funerum, & exequiarum curatione piè sancita sunt, cupimus non depruari, aut scædari in ciuitate; & diocesi nostra quauis auaritiæ, vel ambitionis labe: & ideo Clericis quibuscunq; cuiusuis ordinis, & dignitatis sint, etiam Canonicis, cæterisq; omnibus ea seruanda proponimus, quæ inferius describentur, ut doceamus christianorum, qui spem resurrectionis habent, corpora non pecudum more disijci, sed in ecclesiæ, vel cæmeterij sinum recondi, quod pietatis mysterio non carèt, neminemq; Christianorum, qui in ecclesiæ communione decesserint hac sepultura arceri debere, nisi fuerint hæretici, excommunicati, publicij latrones, quique sibi mortem consciuerint, & quos in peccato lethali (nullis pœnitentiæ signis præcedentibus) decessisse constiterit.

I I.

IN sepulturis, & exequiis à Parochis, alijsq; sacerdotibus diligens fiat admonitio mortalitatis, atq; huius calamitosæ vitæ excitenturq; inter alia, vt recogitent sibi hinc eodem modo excedendum esse, cū in hac terra sint peregrini, aliāq; inquirant, ad quam semper oporteat aspirare. Deinde commoneantur ad exorandum pro defunctorum animabus in purgatorio detentis, Dei misericordia docentes, prædictas animas suffragiis viuorum fidelium, potissimum vero acceptabili altaris sacrificio iuuari. Instituant, ideo funerum, & exequiarū solemnia pietatis studio, & nō vanæ gloriæ tm̄ aucupandæ gratia: nam qui vt magis apparerent hominibus, quā vt Deo animas commēdarent, pompæ funebriū essec cupidi, perderent mercedem suam.

I I. I.

CVM mortuus efferendus erit, cuiusvis ecclesiæ Clerus, qui vocabitur in vnā proximam mortui edibus ecclesiam conueniat, inde omnes etiam regulares, si aderint, ordine suo sine strepitu prodeuntes, psalmos, aliasuē sacras preces deuotissime recitantes, neq; colloquia, aut risus intermiscētes, sed moderato progressu, mente in Deum tendentes, mortuum ad sepulturam committentur, in ecclesiāq; corpus ordine debito circumstantes, officia celebrent pro funeribus instituta, inde non discedentes donec cadauer in sepulcrum fuerit illatum.

IIII.

IIII.

Cadauer omnes, & cerei, quæ circa Crucem, cadauer, feretrum, in altaribus, ac reliquis in locis, dum officia in funere, & exequijs celebrantur, accenduntur, ita Deo oblata esse intelligentur, ut eius ecclesiæ sacrificiæ regularium, vel secularium, in qua corpus mortui humanum erit, continuo addicta sint, non ut vendantur, sed ut eis pro diuino cultu uti liceat, exceptis tamen his, quæ Clericis cuiuscunque generis eleemosynæ causa dari solent sigillatim unicuique, & quæ quartæ funeralium nomine cathedrali, & parochialibus ecclesijs ex decreto Tridentini Concilii, iuxta declarationem tamen motus proprii Sanctiss. D. N. Pij V. confirmationis priuilegiorum Mendicantium, Regularium, tribui conuenit.

V. *quodlibet in quocumque loco*

EXequiarum sepulture, & anniuersariorum causa clericorum nemini liceat quicquā pacisci, aut exigere, neque etiam petere, quod simoniae labis, aut sordide avaritiæ suspicionē habeat: pias tamen cōsuetudines in his seruari, piaque etiā legata diligentissime exigi iubemus, ac quęcunque eleemosynæ causa ultro data, nec aliquibus artibus extorta a clericis quibuscunque accipi non prohibemus. Imò hortamur in Domino locupletiores laycos quoscunque, ut erga clerum, ac etiā Regulares se liberaliter gerant, non minus in funeralibus, quā cæteris alijs pietatem reddentibus. Sed versa vice cadauera miserabilium personarum,

sonarum, quibus mortuis, aut nihil superest, aut ita parum, ut sua impensa humari non possint, Parochis incumbat sumptibus ecclesiæ curare, ut Christianorum more sepeliantur: & si secus fecerint nostri arbitratus pœna plectendos esse noverint.

VI.

Interdicimus omnibus & singulis laycis, tam personis particularibus, quàm publicis Magistratibus ciuitatis, & diœcesis nostræ sub pœnis a iuribus statutis, ne sub quouis quæsito colore præsumant, cōtra libertatē, immunitatē, aliāq; priuilegia ecclesiastica condere statuta, vel cōdita approbare, de funeralibus in præiudiciū clericorum, aut Regularium eorumq; ecclesiarum: verum si usque modo aliqua huiusmodi statuerint, etiā sub prætextu æquitatis, & honestatis, teneantur sub pœna excommunicationis in termino vnus mēsis incurrendæ a die intimationis præsentis Synodalis Constitutionis absolutè abrogare, & abolere leges, aut consuetudines quascunque, quæ præter iuris ordinē ortum habuerint, Et si quid in funeralibus, & exequiarū curatione ipsis videbitur aliqua dignum reformatione, aut animaduersione, ad nos deferant, qui ea, quæ diuinæ gloriæ, animarum salutis, & publicæ cōmoditati erunt consentanea, providere non cessabimus.

DE BENEFICIORVM
Collatione, & Institutione



CONSIDERATIS Pastorum,
Parochorum, Canonicorum, cæte-
rorumq; ecclesiæ Ministrorū gra-
uissimis, ac dignissimis functioni-
bus, merito prouidendum est in
collatione, institutione, vel confirmatione bene-
ficiorum ecclesiasticorum, maximè Curatorum,
& Canonicatum, ne de cætero magni eis præfi-
ciantur, neque ad aliorum assumantur regimen,
qui se ipsos regere nō possint. Nos igitur stude-
bimus, vt in prouisionibus ad nostram collatio-
nem, vel institutionem spectantibus prouideatur
gregi Christi, & Ecclesiæ magis, quàm personis,
quibus cōferentur beneficia, inuiolatè obseruan-
do Constitutiones sanctiss. D.N. Pij V. super col-
latione Parochialium, ac Decreta sacri Concilii
Tridentini, præsertim capitulum xviii. & xxiii. sessio-
nis xxiii. sperantes quoque q̄ idem fiet in men-
sibus sanctæ apostolicæ Sedi reseruatis ob singu-
larem eiusdem sanctiss. D.N. pietatem, qui nō pa-
tietur beneficia, & dignitates conferri, nisi cleri-
cis probis, ac doctis, qui per se ipsos muneribus,
ad quæ tenentur, fungi valeant. Quicunque ergo
nostrorum diœcesanorū sibi beneficia, & Cano-
nicatus in posterū conferri posse existimauerint,
conentur studijs, ac piis exercitiis esse tales mo-
ribus

ribus, & doctrina, vt examini, cui subiiciēdi erunt iuxta prædicti Concilij formam (Deo auxiliante) satisfacere possint.

DE RESIDENTIA.



QUALES Procurabimus fore præficiendos in posterū ecclesiasticis beneficiis, tales multo magis esse cupimus eos, qui modo ecclesias præsertim curatas, & canonicatus obtinent, vt onus grauissimum illis impositum meminisse satagant, laudabiliter fungēdi suis muneribus, quæ ritè exequi non valerent personaliter non residentes, ac etiā non habitantes in propriis ædibus parochialibus, & canonicalibus, vt omni tempore fidelibus præsto esse possint, qui eorum opera, & ministerio vti voluerint. Præcipimus ergo Decreta sacri Concilij de residentia quorumcunque animarum curam exercentium, & etiam canonicorum, & cæterorum, qui de iure residere tenentur, tractantia inuiolatè ab omnibus intra limites nostræ diœcesis beneficia, ad quorumlibet collationem spectantia, obtinentibus, seruari debere sub poenis in nostris literis edictalibus, super eadem materia promulgatis, & in publicis locis affixis. Sub datum Asculi die prima Nouembris M. D. L X VII. Quarum literarum vim, hac etiam Synodali constitutione confirmamus, & innouamus.

DE

DE VITA ET HONESTATE
Clericorum, etiam Canonicorum.

VONIAM Plus sepius destruitur im-
probitatis exemplo, quam ædificetur
verbo & doctrina, & cū nulla ferè chri-
stianę discipline in Dei Ecclesia restituendæ spes
esse possit, vbi clerici, quos diuino cultui totos
esse deditos conuenit, pietatis exercitationem
parum diligenter curent. Deceuius, iuuante
Domino, ea primum præscribendo, quę clerico-
rum mores, & vitam ad rectam rationis regulam
instituant, hominibus quoque laycis prouidere,
qui Christianæ vitæ præcepta, & probitatis exem-
pla a clericis petere debent. Vehementissimè igitur
obsecrantes in Domino quascunque ciuitatis
& diocesis nostrę ecclesiasticas psonas cuiusuis
ordinis, & dignitatis, sint memores se positos,
tanquam lucem mundi, vt luceant omnibus, qui
in domo Dei versantur, sobriè, piè, & iustè viuant,
pietatem in Deum, charitatem in proximos, con-
continentiam, & humilitatem in se ipsos, diuino sug-
gerente spiritu, exercentes, ac enixè studentes ea
quę a summis Pontificibus, & a sacris Cōcilijs de
honestā clericorum vita, doctrina, cultuq; copio-
sè tradita sunt, vt ab ipsis non negligātur, prout
nos ex auctoritate sacri Cōcilio Tridentini, quod
ea Episcopis exequenda præcepit, in vsum reuo-
canda proponimus, summarim explicanda præ-
cipue quędam capita.

CV. M. externi habitus; & vestitus congruitate possit de interno animi nitore, & moderatione aliquid præsumi; præcipimus omnibus & singulis tam minoribus, quam sacris ordinibus initiatis cuiuscunque gradus, & dignitatis sint, ut intra decem dies a celebratione huius diœcesanæ Synodi enumerandos, clericalem tonsuram, quæ est spiritualis militiæ insigne, vniuscuiusq; ordini & gradui convenientem continuè gerant. Presbyteri verò à superiori labro pilos ita tondeant, nè sacrosanctum sacramentum sumentibus impedimentum afferant. Biretum etiam, & vestem superiorem talarem, quæ ad collum clausa sit, inferiorem verò quæ vel saltem ad medium crus descendat, semper deferant, quæ nigri sint coloris. Pileum decentem si quâdo per pluuias, aut aeris intemperiem sumere oporteat, intra ecclesiam præsertim, dum diuinis officiis interfunt, omnino non gerant, isq; à militaris pilei formâ longe distet. Caligas neq; turgidas habeant, neq; incisas: calceis quoq; non utantur incis. Camiſias quoq; non gerant ad collum, vel manus corrigatas, vel acu elaboratas. Deniq; mundiciem corporis, & habitus, quæ puritatem etiam animæ videtur præ se ferre, non neglegant, modo nedum sordes vitare student, in nimium cultum non minori culpa incurrant. Clericis, qui iter facient, quamuis contractiore habitu, ac vestitu decenti, tamen & ex quo eos clericos esse facile

cognosci possit, vti licebit: ac etiam pro huius regionis ratione, idem permitti poterit Clericis et beneficiatis, qui extra urbem, & castra nostrae diocesis in villis, & pagis asperrimorum montium ecclesijs deferuire tenentur, dummodo quod eorum superior vestis saltem sub genu ad medium crus descendat. Sacerdotes etiam, Canonici, & in dignitate constituti, qui pallio, quod ferraiolū dicitur, pro pluviae, & frigoris necessitate vti voluerint, meminerint ea debere esse forma, ut clericali decoro conveniat, neq; illud, nisi cum inferiori talari tunica induant.

Quoniam qui habitant in tabernaculis Domini non solum omnem impudicitiae causam, sed etiam occasionem, & suspicionem a se removere debent, ideo nos autoritate sacri Concilij Tridentini iubemus, ne in edibus ad domiciliū, & usum Canonicoꝝ, Parochorū, alioꝝq; ecclesiae ministrorū edificatis foeminae, etiam illis quouis sanguinis vinculo coniunctae, in alijs vero domibus canonicali, parochiali, aut clericali usui non attributis, nisi ex causa rationabili, tamen iudicio nostro probata, sed a contubernio, familiaritate, vel consuetudine publica, vel secreta quarumvis aliarum mulierum quomodo libet suspectarū absolute ubicunq; habitent, prohibeantur.

I I I I.

Clerici, quos propter Christum spectaculum
 euangelicum oportet fieri mundo, Angelis,
 & hominibus maximè debent ab his spectaculis,
 quæ Christum non sapiunt, abstinere, ideo edici-
 mus, ne comœdias, fabulas, choreas, hastiludia,
aut profanū aliquod spectacula genus agant, vel
 spectent: ne tessleris, pagellis pictis, & omnino
 alea, aut villo vetito, vel indecoro ludi genere
 ludant, neue omnino huiusmodi ludi spectato-
 res sint: pene personati vsquam incedāt: nec vllū
 genus venationis aduersus sacros Canones obe-
 ant: ne commestationibus, computationibus, aut
 minus honestis conuiujs intersint: cauponas, aut
 tabernas non ingrediatur nisi itineris causa: mer-
 caturam non exercent: neue in rebus contrahē-
 dis, vendendis, & emendis se medios, vel inter-
 pretes adhibeant: prædia aliena non conducāt:
pro nemine spondeant: magnatum, nobilium,
 aut omnino laicorum negocia ne procurent, aut
 eis inserviant, nisi causa id postulet à sacerdota-
 li officio non aliena: qua in re tamen concessio
 nostra intercedat, eaq; quotannis renouetur, quā
 hac in re, & aliis à nobis permittendis gratis sem-
 per fieri volumus. In famulatu vero ecclesiastica-
 rum personarum vilia officia, aut opera, quæ cle-
 ricali decoro non conueniant, minime faciant.
 Interdicimus quoq; quibuscunq; in sacris ordi-
 nibus constitutis procuratore, aduocatione, pa-
trocinio, & omni actione causarū vti apud iudi-

cem secularē, exceptis causis iure permissis, nec nisi pietatis causa eosdem tutelam curamue suscipere: quibus casibus scriptæ licentiæ à nobis gratis impetrentur.

V.

Q Vicumq; sacris ordinibus initiati cuiusvis conditionis, & dignitatis sint, etiam Canonici ullius generis arma ad offensionem, vel etiā ad defensionem non ferant, nisi fortè extra Cui tatem suspectis in locis iter eis faciendum sit, no stra cum permissione in scriptis, & gratis obten ta. Et cum Clericorum arma sint orationes, & la crimæ, & eorum certamina esse debeant aduer sus spirituales hostes; ideo sub pœna exilii extra diœcesim Asculanam, & longe ab ea centum mi liaria, & aliis grauioribus censuris, & pœnis etiā pecuniariis Reueren. Camera Apostolicæ appli candis, & arbitrato nostro infligendis interdici mus omnibus, & singulis prædictorum tam Cui tatis, quàm diœcesis nostræ, nè sub quouis qua sito prætextu etiam simulatæ equitatis, & hone statis audeant de cætero publicè, vel secretè se im miscere, aut intromittere in quibuscumq; simultati bus, seditionibus, rixis, & inimicijs, etiam spe ctatibus ad eorum proprias familiās, vel sibi quo cunq; stricto gradu consanguinitatis, & affinita tis coniunctos, quos in similibus diuinam legem ledentibus auxilio, fauore, & consilio ecclesiasti carum personarum destitutos esse conuenit. Eisdem, & eorum cuilibet insuper prohibendo sub
similibus

similibus pœnis en in posterum quacunq; de causa possint in suis familijs, & domicilijs retinere, aut alibi alere aliquos suos familiares, & seruos, qui saltem semel in anno tempore à iure statuto non fuerint confessi, & non communicauerint, neq; aliquos pro homicidis, sicarijs, & facinorosis alijs publicè reputatos, vel notorie cognitos, etiam quod de præsenti illis in seculari foro permitteretur iustis de causis in Asculana Ciuitate, & diœcesi tutò commorari.

VI.

Quacunq; ecclesiasticę personę cibum sumpturę mentem benedicant, & à cibo gratias Deo agant pro acceptis beneficijs: quod gratę memorię et pietatis officium si ab eis prætermittetur, meritò nostram in eos animaduersionē essent experturi, cum in cunctis Clericos à laycis dignosci debeat. Et ideo serio etiā monemus in minoribus ordinibus cōstitutos Clericos, quòd si assidue tonsuram non gerent, ac vt Clerici induti non reperientur, ecclesiasticis priuilegijs priuabuntur, & à quocunq; clericali exercitio arcebuntur, vltra alias nostri arbitratus pœnas, quas incurrunt.

DE REGVLARIBVS.



VM hoc tempore, et præsertim in ciuitate, & diœcesi nostra passim Ecclesię idoneorum ministrorum penuria nimis periculosè laborent, nō pos-

D 3 sumus

sumus non esse valde solliciti, vt Regulares cuius-
 cūq; ordinis sint, sui instituti memores nobis,
 & nostris Parochis se in vinea Domini excōlen-
 da fideles cooperarios ad ungant, & non solum
 verbo, & doctrina in cōcionibus, & exhortationi-
 bus, in confessionibus audiendis, & in diuino-
 rum officiorum celebrationibus, sed etiā exem-
 plo bonorum operum, in conuersatione, in chari-
 tate, in fide, & castitate. Quapropter in Domino
 obsecramus eorum Prælatos, vt ad edificationem
 populorum nostræ curæ commissorum præcipiāt
 Regularibus sibi subiectis in ciuitate & diœcesi
 nostra degentibus, vt iuxta sacri Concilij Triden-
 tini Decrēta, & Bullam sanctiss. D. N. Pij Papæ V.
 confirmationis suorū priuilegiōrū, ad regularis
 disciplinæ, & suarum institutionū obseruantia sol-
 licius inuigilent, & erga clerū, & quascunq; per-
 sonas seculares ea, qua decet, pietate, & mode-
 stia se gerant: alioquin cogeremur (si in contem-
 ptum nostri pastoralis regiminis aliqui eorum
 (quod Deus auertat) extra suæ professionis limi-
 tēs in aliquod Christifideliū scandalum transgre-
 derētur) de talibus iuris ordine seruato reueren-
 ter, ac serio agere corā sanctiss. D. N. Papa, quod
 speramus non futurum: vt in eadem perseuerare
 valeamus beneuolentia, qua semper sumus pro-
 sequuti, & de cætero sincerē prosequemur Regu-
 larium ordines.

DE MONIALIBVS.



IRGINVM Monialium veluti imbecillioris sexus continentiam, ac religionem, & munire præsidij, & adiuuare opportunis auxilijs volentes, præcipimus inuiolatè ab eis obseruari in Monasterijs nobis quomodolibet subiectis ciuitatis & diœcesis nostrę omnia & singula, quę de reformatione Monialium, & earum clausura sancita fuerè in sacro Concilio Tridentino, & per Bullā sanctiss. D. N. Pij V. sub datum quarto Kl. Iunij. M. D. LXVI. Pontificatus sui anno primo.

II.

Omnes igitur Moniales ad regulā, quam sunt professe, proscriptum, vitam instituant, ac obedientię, paupertatis, castitatis vota, necnon omnia pertinentia ad communem victum, & vestitum conseruanda fideliter obseruent. Ante omnia clausura aut restituatur, vel inuiolatè obseruetur tam in Monasterijs nostrę curę commissis, quàm in alijs regularium ordinibus subiectis auctoritate prædictę Bullę Sanctiss. D. N. Et ob id serio inhibemus, non solum vt quacūq; de causa moniales extra monasterium prodire vllō modo non præsumant, verum sub censuris, & pœnis in eisdem decretis, & Bulla contentis, omnibus & singulis personis cuiuscunq; status, & dignitatis sint, siue ecclesiasticis, & regularibus, siue

D 4 laicis

laicis absolutè interdicimus, vt nullo quæsito colore sine nostro consensu in scriptis, quoad monasteria nobis subiecta, & ad alia sine consensu eorum superiorum, audeant introire monasteriorum septa, aut ad eorum portas, & crates accedere, vt alloquantur moniales, exceptis tamen honestis, & bonæ famæ mulieribus, quibus horis congruis de die liceat sine alia nostra licentia accedere ad crates tantum, vt coram Abbatissa cum monialibus loquantur, dummodo absolutè abstineant ingredi septa, quod omnibus vtriusq; sexus sub censuris prædictis absolutè prohibetur. Mandantes ideo eorundem Monasteriorum Abbatissis sub pœna priuationis suorum officiorum, quod contenta in ipsis decretis, & Bulla fidelissime obseruent, sicut nos diligentissime curabimus exequenda, et virtute huius Synodalis Constitutionis, ac si cunctarum talium decretorum, & Apostolicarum Bullarum partes de monialium disciplina, professione, & diuino cultu tractantes, essent in ea de verbo ad verbum descripta.

DE HOSPITALITATIBVS.



INTER cætera pastoralis curæ munera præcipuè obligamur diligentissime cauere, vt quæ à sacra Synodo Tridentina in pluribus decretis fuerunt Episcopis iniuncta de bono hospitalium regimine, de quibus in eis hospitalitate seruanda in Ciuitate, & diœcesi

fi

si nostra seruentur. Quapropter omnibus, & singulis hospitalium quocunq; nomine nuncupentur, p̄fectis, administratoribus, camerarijs, alijsq; ministris edicimus, vt iuxta reddituum qualitates, pauperes, peregrini, ægroti, debilitate & ætate impediti, qui victum suis manibus comparare non valent, in illis taliter recipiantur, quòd meritò queri non possint se inhumaniter, & absq; misericordia tractari, dummodo non sint nebulones, aut circulatores, qui titulo mendicitatis adiutum ad hæc pia loca malitiose sæpius inquirunt. Meminerint etiam iidem administratores atque ministri, se singulis annis rationem nobis esse reddituros introituum, & expensarum quorumcunque reddituum piorum locorum, quæ singula inter visitandum Ciuitatem, & diocesium nostram sigillatim lustrabimus, & in eis cuncta ad sacrorum Canonum normam pro Dei gloria, & suorū pauperum præsidio constituemus. Animaduertendo in eos administratores, qui eorūdem piorum locorum fabricas reparatione indigentes non reparari procurarint, & de rebus opportunis ad vsum pauperum non prouiderint.

DE CONFRATERNITATIBVS.



ADEM, quæ dicta sunt de hospitalibus, habeantur præcepta pro fidei administratione, & reformatione quarūcumq; sodalitatum, vel confraternitatum tam laycorum,

laicorum, quàm Clericorum in Ciuitate, & diœ-
cesii nostra institutarum, quas repurgandas à plu-
rimis monopoliorum, commestationum, dislo-
lutionum, & vsurpationum abusibus sedulo co-
gitauimus: ac ideo sub pœna excommunicationis
mandamus omnibus, & singulis earum Prio-
ribus, sindicis, camerariis, & ministris quocūq;
nomine nuncupentur, vt intra duorum mensiū
à publicatione præsentium Constitutionum de-
beant nobis, aut nostro generali vicario offerre
capitula, vel statuta, si qua habeant, ac nos instrue-
re de modo, & forma, quam in eis seruant, no-
bisq; reddere rationem de qualitate reddituum,
& in quos conuertant vsus: vt sic iustitia median-
te secundum sacri Cōcilij Tridentini sanctiones,
quod super his opportunum fuerit statuatur, &
nostra Episcopali approbatione, & confirmatio-
ne roborentur, omniaq; ad sobrietatem, mode-
stiam, & animarum salutem reuocentur. Alio-
quin, qui inobedientes fuerint, inter visitandū,
ad eorum confraternitatum annulationem pro-
cedemus. Idem quoq; præcipiendo, quorūcūq;
aliorum piorum locorum, etiam pietatis mon-
tium, & fabricarum quarumcūq; ecclesiarum
etiam ipsius cathedralis gubernatoribus, opera-
riis, camerariis, sindicis, ac ministris tam laicis, q̃
clericis, vt in prædicto termino, & successiue se-
mel singulis annis nobis, aut nostro generali vi-
cario rationem reddant vt supra.

I I.

VT sollicitius caueamus, ne nostrorum diœ-
cesanorum tam laicorum quàm Clericorū
animæ à diaboli laqueis carpantur in fraudibus,
& vsurpationibus bonorum cuiusvis generis iu-
rium, fructuum, & emolumentorum, quę eccle-
siis, & piis locis debentur; inferendum censui-
mus his Synodalibus Constitutionibus decretū
vndecimum de verbo ad verbum sessionis xxij.
eiusdem sacri Concilii, vt sub pœna excommuni-
cationis quicunq; animarum Curatores sæpe se-
pius illud frequenti populo explicare teneantur,
adeo quod homines ab hoc sacrilegio admitten-
do seueritate deterreantur, & qui nunc sibi tam
nefarii sceleris consci sunt salutaris pœnitentiæ
remedia quęrant. Declarantes in prædictis com-
prehendi quoscunq; etiam laicos, qui prætextu
sui iurispatronatus beneficia ecclesiastica, & eorū
fructus vsurpant fraudulenter, tribuentes
Clericis solum titulos, & vix tantum, quòd mi-
serrimè ali possint: & quicunq; eadem beneficia
in confidentiam retinent, aut dant, aut impuden-
ter impedimento sunt, nè eis iuxta formam iuris
prouideatur de canonico rectore. Prædicti verò
Concilii decreti tenor is sequens est.

SIquem clericorum, aut laicorum quacunque
is dignitate etiam imperiali, aut regali præful-
geat, tantum malorum omnium radix cupiditas
occupauerit, vt alicui Ecclesiæ, seu cuiusvis se-
cularis,

cularis, aut regularis beneficij, mōtium pietatis, aliorumq; piorum locorum iurisdictiones, bona, census, ac iura etiam feudalialia, & emphitheotica, fructus, emolumenta, seu quascunq; obuentiones quæ in ministrorū, ac pauperum necessitates conuerti debent, per se, vel per alios, vi, vel timore incusso, seu etiam per suppositas personas clericorum, aut laycorum, seu quacunque arte, aut quocunque quæsito colore in proprios vsus conuertere, illosq; vsurpare præsumpserit, seu impedire, ne ab iis, ad quos iure pertinent, percipiantur, is anathemati tamdiu subiaceat, quamdiu iurisdictiones, bona, res, iura, fructus, & redditus, quos occupauerit, vel qui ad eum quomodocunque etiam ex donatione suppositæ personæ, peruenierint, Ecclesiæ eiusq; administratori, siue beneficiato, integrè restituerit, ac deinde á Romano Pontifice absolutionem obtinuerit, quòd si eiusdem ecclesiæ patronus fuerit, etiam iuris patronatus ultra positas pœnas eo ipso priuatus existat. Clericus verò qui nefandæ fraudis, & vsurpationis huiusmodi fabricator, seu consentiens fuerit, eisdem pœnis subiaceat, necnon quibuscunque beneficiis priuatus sit, & ad quęcunque alia beneficia inhabilis efficiatur, & a suorū ordinū executione, etiam post integram satisfactionem, & absolutionem arbitrio sui Ordinarij suspendatur.

DE CONCLUSIONE

Harum Constitutionum.



VMMATIM Descriptis professionis fidei forma, sacris ministeriis, functionibus, officijs, & moribus, quorum ecclesię interest, traditam quoque esse censuimus non minus totius laycorum populi disciplinam, quam cleri in his, quę Dei gloriam, & animarum salutem respiciunt, quamquam his Synodalibus constitutionibus quamplurima non videantur specialiter expressa de ipsorum laycorum moribus ad forum ecclesiasticum de iure spectantia, quę tamen virtualiter in eis comprehenduntur, hac conclusione, quod nos omnibus & singulis tam laycis, quàm clericis etiã pro tempore in ciuitate, & diœcesi nostra commorantibus seruo edicimus canones omnes, maximè decreta sacri Concilij Tridentini, Apostolicasq; sanctiss. D. N. Pij Quinti constitutiones, præsertim Bullę prohibitionis blasphemię, simonię, cõcubinatus, libidinis, naturę contrarię, contra eos, qui debitum Deo cultum non tribuunt, & de nō laborando in diebus festiuis, sub datū Romę sub annulo Piscatoris sexto Kl. Aprilis. M. D. LXVI. Pont. sui anno primo, Necnon præcipuè contra suspectos de hæresi, si qui aderunt (quod Deus auertat) aut magicas artes, veneficia, diuinationes, sortilegia, ac quęcunque crimina diuinam iram prouo-

prouocantia committentes, vsuraſq; exercentes a nobis, noſtrisq; generali, & foraneis Vicarijs inuiolatè ſeruaturū iri, tam in inquirendo & procedendo, quam in iudicando, & exequēdo ſuper cunctis noſtram catholicam religionem, diſciplinamq; ad forum eccleſiaſticum pertinentem, concernentibus, in quibus Chriſtianis omnibus, tam vtriuſque ſexus laicis, quàm clericis indiſtinctè, diuinis, & Canonicis legibus iniunctū eſt, vt declinent a malo, & faciant bonū: & ſi ſecus a quocumq; factum fuerit, is tum pœnas ſupra contentas, tum alias ſuſtinebit de iure irrogādas noſtro, Vicarijſq; generalis noſtri iudicio & arbitrato.

HAE ſunt conſtitutiones ſanctæ Eccleſiæ Aſculanæ quas i hac ſacra Synodo promulgamus, decernimūſq; ab oībus, tã clericis, quàm laicis quaqueſq; parte attingūt reſpectiue, ſtudioſè vt ſup. obſeruari; prout nos, tam ordinaria auctoritate, quàm facultate delegationis apoſtolicæ nobis quomodolibet cōceſſa, præſertim per Breue ſanctiſſ. D.N. ſub datum xviij. Ianuarij proximè præteriti pro diuini cultus augmento, fieri diligentiffimè curabimus. Et ne earū aliquem obliuiſ capiat, volumus quotannis per noſtrum generalem Vicarium, diſtinctè iuberi, quòd in Capitulo noſtrorum Canonicorum capitulariter congregatorū, vnà cum omnibus Rectoribus curatorum beneficiorum intra mœnia ciuitatis ter .ſ. in principio Aduentus, in Quadrageſima, & in octaua Beati Emigdij martyris epiſcopi, Aſculanæq; vrbiſ protectio-

protektoris omnino coram se legantur, & quod idem fiat per Vicarios foraneos, & alios sacerdotes in eorum congregationibus singulorum oppidorum, aliorumue, locorum toties quoties eidem Vicario generali opportunum videbitur. Et nihilominus quorumcunque in sacris constitutionum præsertim beneficia obtinentium singuli debeant sigillatim domi suæ easdem Constitutiones una cū Catechismo, quam sapissime legere, ut sibi ipsis prosint, & cæteros suæ curæ commissos facilius de necessarijs ad salutem instigare valeant: qui verò hæc paterna monita neglexerint, puniētur. Tandē ut cætera absoluauius, subiungimus ea qua decet humilitate tum præsentibus Synodales Constitutiones, tum nosmet ipsos, præsentibus sanctiss. D. N. Papæ, sanctæq; Apostolicæ Sedis iudicio, & auctoritati, sub cuius obedientia, & censura quascunque nostras actiones, ac sententias, tam scripto, quàm verbo prolatas reuerēter corrigere, ac emendare hic, & ubiq; omni nostræ vitæ tēpore cupimus, & deliberam⁹. Et ita misericors Deus noster per gratiam suam de bono suo spiritu corda nostra imbuere, & conuertere in testimonia sua dignetur: ut omnes corde magno colamus eum, eiusq; voluntatem faciamus. Cui est laus, honor, & imperium in sæcula sæculorū. Amē.

F I N I S.

Errata const.^m

In prefatione legendu' est grati' et no' grati'


Prece et non pre

In forma iurament: In interpretacione et non
interpretationes

In 2.^o cap. de Bapt: ad et non ab.

In 4.^o de poen'tentia an' uerbu' magis
adendu' est malum

In cap. de colacionib' lxx locus magne'
legendum est indigni'



1111